

Boahkut influeanssa vuostá

Buohkat sáhttet duođalaččat buohccát influeanssain, muhto muhtin riskajoavkkuin lea stuorát riska buohccát duođalaččat go earáin. Norggas gullet lagabui 1,6 miljovna máná ja rávisolbmo dákkár riskajovkui. Sáhtta leat erenoamáš buorre sin dearvvašvuhtii jus sii boahkuvvojit.

Mánát ja rávisolbmot čuovvovaš riskajoavkkuin berrejit boahkuvvot influeansaboahkuin jahkásaččat:

- Buohkat geat leat deavdán 65 jagi
- Ássit buhcciidruovttuin ja fuolahusásodagain
- Mánát ja rávisolbmot geain lea:
 - bistevas geahpesdávda
 - bistevas váibmo- ja varrasuotnadávda
 - bistevas vuoivvasvihki
 - bistevas moninvihki
 - bistevas nevrologalaš dávda dahje vahát
 - hedjonan immunasuodjalus
 - diabetes mellitus, tiipa 1 ja 2
 - hui duođalaš buidodat (BMI badjel 40)
 - eará duođalaš dahje bistevas dávda
- Áhpeheamit 12. áhpehisvahkku rájes
- Ovdaláiggi riegeadan mánát, erenoamážit mánát geat leat riegeadan ovdal vahkku 32 áhpehisvuodas, dan rájes go leat 6 mánu (kronologalaš ahki) dassá leat 5 jagi.

Manne boahkuvvot?

Influeansa sáhtta earret eará dagahit duođalaš geahpesboalddáhaga ja ahte máŋga bistevas dávdda

vearránit. Go influeansa dagaha duođalaš dearvvašvuodáváttisvuodaid de lea dárbu čáliuvvot buohccivissui.

Olmuin geain leat váibmo-/varrasuotnavigit lea stuorát riska váibmodohppehahkii, vuoŋŋaščaskkástahkii ja jápmit influeansaáigodagas go muđui jagis. Duođalaš influeansadávda sáhtta dagahit ahte dearvvašvuotta hedjona bistevasččat ja ahte šaddá dárbu eanet veahkkái, ja gaskamearalaččat das jápmet sullii 900 olbmo jahkásaččat. Boahkuheapmi suodjala duođalaš influeanssa vuostá.

Man vuostá suodjala boahkut?

Influeansaboahkut suodjala influeansavirusa vuostá 1-2 vahkku maŋŋá boahkuheami. Boahkut ii suodjal koronavirusa iige eará virusiid ja bakteriijaid vuostá, mat maid sáhttet dagahit influeansaláganaš dávdamearkkaid.

Dábálaš influeansadávdamearkkat leat ahte fáhkka buohccá, feber, guorsan, veajuhisvuohta, oaivebávččas ja deahkkebákčasat 3-10 beavvi.

Manne berre boahkuvvot juohke jagi?

Dannego influeansavirus álelassii rievdá ja boahkut ferte dáid rievdamiidda heivehuvvot, de berre boahkuvvot jahkásaččat. Boahkuid beaktu maid váidu áiggi mielde.

Leatgo boahkuin liigeváikkuhusat?

Boahkut áigodatinflueansa vuostá lea geavahuvvon mánnga jagi, ja oppalaččat leat unnán liigeváikkuhusat. Nu mo earáge boahkuin de sáhtta šaddat rašši, ruvssoda ja bohtana gokko lea čuggejuvvon, ja feber, ahte lea illáveaje ja ahte deahkit verket. Lea hui hárve ahte šaddet allergijalaš reakšuvnnat dahje eará duodalaš liigeváikkuhusa.

Influeansaboahkut ii sáhte dagahit influeansádávda.

Gos sáhtán boahkuvvot influeansaboahkuin?

Iskka doavtterkantuvrrain dahje gieldda neahttasiidduin.

Eanet dieđut leat lohkan láchkai Álbmotdearvvašvuodainstituhta neahttasiidduin:
www.fhi.no/influensavaksine